



# ITLF BULLETIN

Issue No 35  
04 November 2023

## MEITEI COMMANDO OPERATION VANGIN MOREH BUAI

**M**eitei police officer Chingtham Anand Kumar chu hmehhriatloh ten Thawhlelni khan Moreh-ah an kap hlum a. He thubuai hi Meitei sawrkar-in remchangah la in Moreh leh a chhehvel chawhbuai nan a hmang. Union Home Minister Amit Shah-an Manipur a rawn tlawh lai khan Moreh atangin state sipai te lak chhuah a tiam a, mahse vawiin thlengin hma lak a la ni lo. Meitei pa thihna hi chhuanlamah hmangin Meitei CM Biren Singh-a chuan Moreh lak kir nan beihpui a thlak mek a, Zofate tih retheih nan hmanraw remchangah a ngai niin a hriat.

Tun hmaa Chingphei a SI Onkhomang Haokip sniper in a kah hlum khan sawrkarin zangna dawm nan a chhungte cheng 10 lakh rupees pek a tiam a, mahse tun thlengin engmah an la hmu lo. Chutih laiin tun tuma Meitei officer thi chhungte hnenah cheng 50 lakh rupees lai CM in pek a tiam a, a chhungte pakhat hnenah sawrkar hna pek a tiam bawk. Meitei leh tlangmi ruang man a in ang lo hle mai.

Meitei police thattu zawna operation kalpui a ni a, zing dar 11 velah Chikim khuua Wall of Remembrance sak lai mek chu Meitei sipai ten an hal chhia a. Sit-in protest a hmeichhe thu te an hawl darh bawk a, khaw chhunga operation an neih laiin tlangmi in chhunga thawmhnaw an tichhe bawk. Meitei commando-ten Moreh an pan kawngah Sinam khuuah in pali an hal a, car pahnih leh two-wheeler pali an hal chhe bawk. Tin, tlangmi in a pawisa te an ru a, ram lehkha pawimawh te pawh an lak sak bawk. Meitei commando te chet dan ennin tualthattu zawng an ni lova, Zofate chunga kutthlak an duh vang a ni tih a chiang.

Nilaini (Nov 1) zing hma takah Assam Rifles nen inkawpin Meitei commando ten Phaicham leh Gamnom vengah te operation nei in mi 12 an man a. Gamnom Village Authority Chairman pawh a ina naupang infiamna binoculars a lo awm avangin man tel a ni. Rualbanlo Luncha Haokip pawh man tel a ni. Darkar 12 hnuah mana awm te chu chhuah leh an ni tih thu kan dawng.

Mit a hmu te (eye witnesses) sawi danin Assam Rifle ten Meitei commando ho hi Morea-ah an hruai lut a, operation an neih tir a ni. Tun hmaa ITLF hotuten Home Minister Amit Shah an hmuh khan, minister chuan Meitei state sipai te hi anmahni a an chet loh tur thu leh central forces te hnuai a an thawh zel tur thu a sawi a, mahse tun tum Moreh-a thil thleng atanga chiang chu Meitei commando te chet dan enzui/enpui a ni lova, Home Minister thusawi kha hlen a ni lo tih a chiang.

Operation neih naah Meitei commando te rawng taka an chet avangin nunau leh khawchhunga mipate chu ramhnuai a an tlan lut a. Operation neihna ah thawmhnaw tam tak tihchhiat a ni a, pawisa leh thawmhnaw man tam te Meitei commando hovin thahnem tak an ruk sak. Nov 2 khan hmeichhia leh naupangte khawchhungah riak ngam lovin sipai camp pawnah an riak. Nimin (Nov 3) chuan buaina lutuk hriat tur a awm lo.



## Zo United In Mipui Hnenah Ngenna Siam

Zo United-in Nilaini (Nov 1) khan executive emergency meeting a nei a, Tegnoupal district, a bik in Moreh khaw chhunga kan mi leh sate tamtak harsatna tuarte tan tanpuina pek rem a ti. Hemi dungzui hian Zo United-in tlawmngai (philanthropic) pawl zawng zawngte hnenah ngenna a siam a. Mahni hnam chhung theuhvah Tegnoupal tanpui nan vehbur khawn a, Nov 5-a chhun khawm turin thu a chhuah. Hemi dungzui hian tlawmngai pawl ten bawhzuina an nei a, mahni hnam chhung theuhva thu an chhuah a ni.

## Kuki Inpi Tegnoupal In Amit Shah Hnenah Lehkha Thawn

Zirtawpni (Nov 3) khan Kuki Inpi Tegnoupal (KIT) Media & Publicity in Union Home Minister Amit Shah hnenah lehkha thawnin, Meitei commando leh Arambai Tenggol ten Moreh-a Zofate chung a lainatna nei miah lova an chetna chu KIT in a dem thu a sawi.

Combing operation neih naah mipui an ti thlabar a, tlangmi in, thawmhnaw leh lirthi te an halsak a, sum leh pai leh ro hlu tak tak an ruk sak thu he lehkha hian a tar lang. Hetiang intihchhiatna a tawpna turin separate administration a tul thu a sawi bawk.

## Tlangmi MLA 10 ten Moreh chungchangah thuchhuah siam

Thawhlehi (Nov 2) khan Manipur tlangmi MLA 10 ten thuchhuah (joint statement) an siam a, Tegnoupal district a Zofate chungah Manipur state commando te rawng taka an chet avangin na taka an dem thu an sawi.

SDPO Anand Kumar thihna chu pawl viau na a, a thatute zawna lamah Meitei commando hovin tlangmi in leh thawmhnaw an tichhiat bakah sum leh pai an ruk sak a, mipui tithlaphang taka an siam chun dik an tih loh thu an tarlang.

Tlangmiten an awmna hmuna Meitei commando te luhtirloh an duh thu platform hrang hrang an sawi tawh a, mahse sawrkarin a luhtir tho tih an tar lang a, a rang thei ang berin Kuki-Zo area atangin Meitei commando te la chhuak a anmahni aiah

neutral force dah turin Ministry of Home Affairs ah ngenna an theh lut.

## Lehkha Pawimawh Hal

Social media a video pakhat viral mek ah chuan Meitei tlangval-in tlangmi zirlaite certificate tam tak a hal. Ram buai tirh khan Meitei ral a lo len avangin tlangmi tam takin engmah chuh hman lovin an in leh lo an tlanchhiat san a. Lehkha pawimawh - marksheet, certificates etc – tam tak Meitei hovin an hal sak a ni

Video a certificates haltu hi zawn chhuah a ni a, amah hi Sintha Lourembam, IndiGo Airlines ground staff ni a hriat a ni a. Kan Twitter warriors ten tan an la a, IndiGo pawh Twitter hmangin an hrilh an. IndiGo chuan a lo zir chian hnuah he company ah hian a thawk tawh lo tih thuchhuah a siam.

Certificates hi mimal ta (property) pawh ni tho mahse sawrkar ta pawh a ni a, a pawl em em a ni. Tin, non-tribal in tribal documents a hal chhiat hi National Commission for Scheduled Tribes hnenah SC leh ST Prevention of Atrocities Act, 1989 hnuai ah hekna thehluh nise a duhawm khawp mai. A ti tu chungah hian FIR pawh theh luh a tha hle ang..



## ITLF Relief & Medical Dept Henah Tanpuina Lut

Frontline duty te ei tur supply a thlaphanawm tep tawh a, mahse chunglam atanga malsawmna vangin ITLF Relief & Medical Dept hnenah tanpuina engemawzat a rawn lut.

Reformed Presbyterian Church (NEI) hnen atangin dal 3 bags, chi 3 bags, cooking oil 20 boxes, surf 1 bag, soya 15 boxes, mosquito net 45 pieces, rice 3 bags leh sugar 2 bags. Rural Women Upliftment Society (RWUS) atangin rice 25 bags. Wesleyan Methodist Church of East India atangin rice 12 bags. Tin, Jayson Victor hnen atangin blanket 270 hmuh a ni bawk.

Kar thar a fronline duty te ei tur buhfai bag tam tak a la in daih loh avangin Relief & Medical Dept hotute lu a hai hle a, tanpuina zawngin kawngkhar tamtak an kik mek.



## Meitei Hovin Silai An Ru Leh

Nilaini (No 1) zan dar 6 velah Meitei mi 700 vel silai kengin Imphal-a 1st MR an va luhchilh a. DGP Pool Arm Kote leh Unit Pool Arm Kote-a silai dahte lak chhuah an tum a, security forces nen dar 7:45pm vel thleng an in bei a, CRFP mi 3 an hliam.

Meitei ho hian silai tamtak - AK 47, Insas, SLR, Tear gas gun leh silai mu tam tak an ru chhuak. Chumi bakah sipai motor Bolera pakhat leh Gypsy paruk an la tel bawk.

## Shutdown Leh Rally Neih

Ningani (Nov 2) khan Meitei commando Moreh-a an chet dan duhlohna lantir nan leh Meitei commando te tlangmi ram atanga lakchhuah phutin in KSO-GHQ chuan Zofate awmna district zawng zawngah darker 48 chhung shutdown a puang. He shutdown hi student pawl zawng zawngin thlawpna thu an

chhuah. Shutdown chhung hian buaina engmah sawi tur a awm lo.

Nimin (Nov 3) khan Kuki Women Organisation for Human Rights kaihhraina hnuaiah "Mass Rally Against Gross Violation of Human Rights" tih thupui hmangin Leisang atanga Peace Ground thleng rally neih a ni.



## Frontline Tlawh

Thawhleh (Oct 31) ni khan ITLF Defence/UTV kaihhrainain frontline hmun hnih - Mualngat leh Laika - tlawh an ni. Hetah hian Delhi atangin Pu Thanghnun leh a thiannu Kim ten frontline duty te vawksa an pe a, thlamuanna thuchah an sawi bawk. Hotupa Thanghnun te nupa chuan an thusawi naah kan ram venhimna a tan la tu volunteers te, Khongak lal leh mipuite hmalakna ropui an tih thu an sawi. Tute pawh duhsakna thilpek pek vek an duh thu an sawi a, mahse neih in a tlin loh avangin, an tih theih chhun tam lo te an sem a ni tih an sawi.

Mualngat leh Laika khaw lal leh mess manager ten hetiang thilpek ropui tak an hmuh avangin an lawm zia leh a thlamuanthlak zia thu an sawi. Tin, UTV hruaituten hetiang thil ropui tak tihsak tu chungah lawmthu an sawi a, nakin leh zelah pawh mimal leh pawl dang pawhin thilpek engpawh a pek theih a ni an ti bawk.



# COMING SOON

IN PHOTO MATTE PAPER QUALITY



**₹599**  
ONLY

## #MANIPUR MAYHEM KEY PLAYERS & EVENTS

A BOOK BY INDIGENOUS TRIBAL LEADERS' FORUM (ITLF)

### FEATURES

THE TRIBAL NARRATIVES - STORIES FROM VICTIMS - DAILY INCIDENT REPORTS  
ARTICLES FROM GUEST WRITERS - POEMS - STATISTICS

UPDATED TILL 03 NOVEMBER 2023



**146**  
CONFIRMED DEATHS



**200**  
VILLAGES BURNED



**7000+**  
HOUSES BURNED



**360**  
CHURCHES BURNED



**41425**  
DISPLACED PERSONS



**204**  
RELIEF CAMPS

#### RELIEF SUPPORT

Office: ITLF Secretariat, Hiangtam Lamka

#### Contacts:

Mangcha Thangzom – 8837368373 (Convenor)

V. Gouthianmuan - 9862086583 (Co-Convenor)

#### FINANCIAL SUPPORT

#### ITLF Joint Bank Account:

Name: Henkhopao Haokip & N. Vialkhanthang

Account No: 41912626404

IFSC: SBIN0064016 | Bank: SBI Salbung Branch